



24. februar 2016

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit tulaassisussaataaneq pillugu:**

**1. Avataasiorlutik aalisartunut pisassiinermut atatillugu tulaassisussaataanermut aalisakkanillu tisanissamut piumasaqaataasut inuiaqatigiinnut qanoq kinguneqassaneri pillugu Naalakkersuisut nalilersuinikuunerlutik?**

**2. Taamaassimappat taava tulaassisussaataanermut tunngatillugu inuiaqatigiit annaasassaat qanormita annertutigippat aamma kilisaataatillit kilisaatinilu inuttat isertitassamikkut qanormita annaasaqartigissappat?**

(Inatsisartunut ilaasortaq Michael Rosing, Demokraatit)

**Tunngavilersuut**

Avataasiorlutik aalisartunut pisassiinermut atatillugu, soorlu qaleralinnik maannalu saarullinnik misileraalluni aalisarneqartussanik, piumasaqaataavoq, pisassiissutit tamarmik ilaalluunniit nunami aalisakkerivinnut tulaaneqartassasut tisasassanngorlugit. Suliffissuit ilaasa erseqqissaassutiginikuuat, tamanna ingerlatsinikkut inuiaqatigiinnulluunniit tamakkiisumik iluaqusiinaviangitsoq, inuussutissarsiortut pisortallu karsii annerusumik iluanaaruteqartussaagaluardata avataani tunisassiorneq ingerlanneqartartuuppat.

Tassunga atatillugu tusarusunnarpoq Naalakkersuisut pisassiinermut atatillugu tulaassisussaataanermut tisasalernissamullu piumasaqaatit inuiaqatigiinnut qanoq naleqassanersut naatsorsorsimaneraat kiisalu kilisaataatillit kilisaatinilu inuttat isertitatigut qanoq annaasaqassanersut?

Kissaatigaara apeqqutikka akineqassasut ullut sulliviit naliginnaasut qulit iluanni.